

CERTAMEN MISS TURISMO CARNAVAL TABATA UN ANOCHI COLOMBIANO..

Fotos y Texto: Jan Poets.

DEN AMBIENTE



**** Denisa Balingier den un forma indiscutible a ser corona como Reina Turismo Carnaval 45..**

** E prome certamen Miss Turismo Carnaval cual a tuma lugar diadomingo anochi ultimo den Tropicana showroom, organiza pa ATA, (Aruba Tourism Authority) a resulta den un anochi colombiano. Esaki tabata e impresion cu DEN AMBIENTE por a sinti durante e certamen hunto cu e demas Arubianonan presente cu tambe a expresa esaki na DEN AMBIENTE.

Practicamente full e programa tabata ser domina pa personahenan colombiano, manera por ehempel: animadora, coreografo, hurado, diseñadornan y presentacion di Charlie Zaa. Pa corona e anochi aki den un berdadero anochi colombiano, durante e presentacion di Charlie Zaa, hasta un bandera colombiano tabata zwaai riba escenario. E hecho aki sigur no a cay na agrado serca mayoria di e Arubianonan presente.

For di Miriam Aristizabal

representante di ATA, DEN AMBIENTE a ricibi e otro banda di medaya pa loke ta trata e meta tras di e certamen aki. Miriam a declara na DEN AMBIENTE cu e certamen aki a sirbi pa promove Aruba na Colombia. E certamen aki a ser cubri pa varios periodista y canalnan di television colombiano. Miriam a sigui declara cu e programa tabata conta cu mayoria di nos propio hendenan, pero na ultimo varios di nan a laga nan na caya. Tambe Miriam a enfatisa cu tanto e flamante Miss Turismo Carnaval 45, Denise Balingier y e demas candidatanan, tur a expresa nan satisfaccion di nan participacion durante e anochi di certamen.

NOTA DEN AMBIENTE: Loke DEN AMBIENTE por relata di e anochi aki, den cual tabata presente y tabata testigo di e disgusto grandi cu tabata reina entre varios di e Arubianonan cu tabata presente, por bisa cu



**** E nueve candidatanan sperando ansiosamente riba e resultado di e huradonan..**

ATA a faya barbaramente di uza personahenan colombiano pa promove

Colombia. Pues aki ta e fayó grandi cu ATA a comete. Ademas tambe e prome eror cu nan a

comete ta MISS enbez di REINA TURISMO CARNAVAL.

Si ta pa promove Aruba realmente, tin hopi otro cosnan cu ta mucho mas importante cu e certamen aki. Ademas tambe e certamen aki mester tabata den un ambiente netamente carnavalesco. Un show di Charlie Zaa cu ta presenta cancionnan di antaño, no a pas den e certamen aki.


Pa DEN AMBIENTE e certamen aki tabata simplemente un evento bao capa pa promove Colombia y mas principal su diseñadornan cu hasta den temporada di carnaval kier kita pan di nos diseñadornan.

Bira rond y bisa kico bo kier, e certamen aki tabata uno puro colombiano ya cu ta nan tabata e figuranan mas principal durante e certamen y despues Aruba.



**** Charlie Zaa sin duda un tremendo artista, pero no pa un evento carnavalesco..**

Aruba, pa cual na Colombia esaki hamas lo ser acepta. Na Colombia nan no ta invita un Claudius Philips den un show pa promove Colombia turisticamente. Naturalmente nan ta prefera pa uza nan Carlos Vives. Nan no ta yama un Ronchi de Cuba como diseñador pa promove Colombia, pero ta uza nan Jaime Arango. Durante nan certamen di Reina de la Flores, nan no ta invita un Atan Lee pa sinta como hurado y tampoco nan no ta invita un animador Arubiano pa promove



**** Nando Chirino si a pone e berdador ambiente carnavalesco cu su hit "Wapa..heeeeee"..**